

## 20121031-081 Karangwa, Justin

Kingambo kuwa 10/9/99

Nom: Karangwa

Prénom: Justin

Pere: Sebera Antoine

Mere: Kankuyo Daphrosa

Cellule: Kingabo

Secteur: Dusego

Commune: Mukingi

Prefecture: Gitarama

Ecole: G.S de Muyunzwe A.P.E.C.A.S

Classe: 1<sup>e</sup> t.c

Date de naissance: 01/08/1978

---

Hari le 23/4/94 nibwo intambara yatangiye iwacu muri cellule. Hari ku gicamunsi nka saa 8h. Gitero cyiraza kirasenya, cyiratwika, cyirasahura. Inka barazitwara barazirya. Ubwo hari kuwa Gatandatu (Saturday), bukeye ku Cyumweru (Sunday) babyutse basarura imyaka mu mirima.

Ubwo uwari konsiye witwa NKURIKIYIMFURA François akoresha inama ababwirako ahasigaye ari ukwica. Ubwo bucyeye kuwa mbere (Monday) le 25/4/99 babyutse bahiga abantu mubihuru. Ubwo nnyewe nari nihishe mugihuru bahageze umwe aravuga ngo “hano hari impora” kuko babonaga aho nanyuze ninjiramo. Igihuru baragitama barambona barambwira ngo ninizane.

---

Mvamo ndaza, umukuru wabo avuza ifirimbi ngo bavumbuye abari hiriya no hino baraza bagiye ku nyica, arababuza ngo nibanjane kuri secteur hamwe n’abandi.

Icyo gitero cyari cyigizwe na:

Umuyobozi wacyo: NTIBARINGANIRA Aphrodis  
YANKURIJE Innocent  
BAGANWA Martin  
KAREGEYE Roment  
KANANI Jean  
Janvier mwene NYIRIMBARAGA.

Uwitwa HABYARIMANA Mathias ahita anyambura imyenda anambwira ngo ni nzane gerenade, nje no kubereka aho amasasu y’inkotanyi twayatabye.

Ubwo bamaze kumfata baramburiye ngo wa nkotanyi we mbambwira ko ntari Inkotanyi, barambwira ngo wamututsi we.

.....

Njewe narababwiye ngo nibambabarire sinzongera kuba umututsi. Baranga barambwira ngo ninjye imbere tugende. Njya imbere turagenda banjya inyuma baranshorera. Kuva aho kugera kuri secteur. Munzira abantu bari werekanga nzoka umugambi, ari umwe, imvugo ari imwe. Ari ukuvuga ngo: Tubahumba humbe, tubatsembatsembe n’uwo nka ntimumusige.

Ubwo barabitwaje intwari za gakondo:

Ubuhiri

Imihoro, imipanga

Amacumu

Abo tunyuzeho babashima bababaza ngo ako mugakuyehe? Tugeze kwa secteur nsanga bene wacu babaterangije babicaje babatemaguye babakubise amahiri.

.....

Ubwo baranyicaza ngo mbanze ndebe uko bica bene wacu. Mbese kugirango mbanze nicwe n’agahinda ndebe urwo agashinyanguro bica bene wacu babishe batya: barabantanga bakabatema igitsi barangira bakabakubita amahiri umubiri wose bahereye mu mutwe, imbavu, igituza kugeza ku birenge.

Bicwaga na:

Ubwo bageze aho nanjye barantema ukuguru ku gitsi. Bankubita n’amahiri mu mutwe ku buryo mu mutwe inyumva hahombanye hacitsemo ikinogo. Ubwo nanjye nari narapfuye nabaye umupfu mubandi. Ubwo byageze aho konsiye araza abarura abapfuye n’abasigaye. Ategeka nabo bagomba kubashaka vuba bakabica.

.....

Abicwe aho imbere y’ibiro bya secteur aho abaturage n’abaturanyi bari babarahiye ubukwe ngo baje kureba uko abatutsi bapfa. Bamwe bavuga ngo ese bapfuye koko cyangwa ngo ni ubwenge bwabo ngo buriya bipfushija.

Abiciwe aho ni aba:

MAMPYISI Fidel

RURASIRE Faustin

KABAYABA Samuel

RUVEBANA Marc

MUKAMAZIMPAKA Meraniee

Abo ni badata wacu.

Bakuru banjye:

NSHIMIYIMANA Vincent

MUNYANERE Alphonsee

UAMENYIMANA Marc

HABYAMBERE Raurent

Haguye n'abandi b'abavantara ntabashije kumenya baribagiye batoragurwa mu bihuru hirya no hino kuko haguye abantu 16 ndeba.

---

### **Muti, ese wahavuye ute?**

Ubwo batangiye kujya kuira batangiye guhamba hari icyobo bari baracukuye bavugango ni umusarani. Batangiye gukurura intumbi baroha muri wa mwobo. Banjyezeho barambwira ngo ni mpaguruke, nsange bene wacu. Ngerageje guhaguruka birananira. Ubwo baramfasha barankurura bagejeje iruhande rwa wa mwobo bahirikamo nyuma bazana ntumbi batwaramo bagasenya n'umusarane wari uhari uruhande bagatwaramo amatafari ngo hataza kugira uvamo.

Bu maze kuira baragenda bajye kwihemba. Ubwo hari abo bari barashyemo, batarashiramo umwuka ubwo umwe abwira undi ati: nkuriraho iro tafari maze mvamo uretseko byari amatariki ngo yi tawabashaga. Ubwo haje kuza uwari umusirikari kwa reta [leta] ya Habyarimana ageze imbere y'ibiro bya secteur mu muhanda asanga haretse amaraso. Ahagarika imodoka abaza abazamu ba secteur ngo: "izinka baririye aho zavuye he?" bo bamushubije ko atari inka ahubwo ko aria bantu bahiciye. Ababaza aho babahamye. Baza kumwerekako, ahageze asanga bamwe turacyavugaga. Abategeka kubakuramo. Kudukuramo barabanza bakuramo intumbi zari zituri hejuru, badukuramo.

Abo asanze bapfuye abasubizamo, abazima adushyiramo mu modoka aratujyana. Atujyeza kubitaro bya mu Byimana. Bucyeye mu gitondo, batubwirako ngo ntamiti ihari. Ubwo batwohereza kuri komine. Ubwo nkanjye naginzaga ikibuno ngikurura.

---

Ubwo nabashije kugera kuri Commune ni mugoroba mpasanga izindi mpuzi za hahungiyeye. Ubwo bageze le 23/4/94. Uwari burigumesitiri wa komine Mukingi, NSABIMANA Basille, aravugaga ngo agiye i Gitarama. Agarutse, azana imodoka. Bisi iradutwara itujyana i Kabgayi.

Ubwo njya mubitaro mbamo kujyeza F.P.R Inkotanyi zitubohoje kuwa 2/6/94. Ubwo nari aho kuva na gerayo nari ntarabasha guhaguruka aho nicaye. Nu ukuvugaga ngo nagendaga nicaye.

Nguko uko nabayeho icyo gihe cyose cy'intambara y'itsembabwoko n'intsembatsemba. Ngako agahinda yansigiye, yanteye ntateze kuzashira.

---

Hagati aho baje kwica data . Ubwo baramuhize cyane muri cellule kuko consier [Konsiye] yari yabakanguye. Baramufata baramushorera bamuraho mu mugenzi wa kinyango. Abamushoreye mi aba:

MPAKANYI Matayo  
MWEREKANDE Joseph  
TWAGIRIMANA Joseph  
NZARAMBA Evariste  
NTAYISENGA André  
Ignace mwene GAKUBA Atanazi  
Etc.

---

Dore abagize uruhare mu iyicura ry'abantu baguye kuri secteur

1. NTIBARINGANIRA Aphrodis
2. YANKURIJE Innocent
3. BAGANWA Martin
4. HABYARIMANA Mathias
5. KANANI Jean
6. KAREGEYA Raurant
7. Savier mwene NYIRIMBARAGA

Aba niba mbasha kuibuka mu bagiye banshoreye

8. BIZUMUTIMA Faulas
9. TWAGIRIMANA Feridnard
10. NTEZIRYAYO mwene NGAMIJE Alex
11. Beatha mwene HITIMANA Donati
12. KAGANGO André
13. BUCYEKABILI Jean
14. NZABASENGIMANA Augustin
15. NTIBAKINA Alphonse
16. RUZAMBA Léonard
17. GATABAZI Innocent

- 
18. SEMUZIMA Innocent
  19. NZABASENGIMANA Hupio
  20. Albert mwene SENZAGE Jean
  21. Paul mwene BIKWAKWANYA Michel
  22. KAGENZA Jean
  23. Jean mwene MASHINGA Dionis
  24. BACYINAHE Joseph
  25. Leonard mwene BACYINAHE Jean
  26. Bizimana Jean mwene BACYINAHE Jean
  27. RWABUHUNGU Léonard
  28. KAGABO Stanisilasi
  29. MPAKANYI Mathao
  30. MWEREKANDE Joseph
  31. TWAGILIMANA Joseph
  32. Uwo bita KARATIKA Emmanuel
  33. HATEGEKIMANA Slidio
  34. RUTAYISIRE Valence

Abo nibo mbashije ku ibuka. “Kuko umutima usobetse AMAGANYA NTAGO USOBANURA AMAGAMBO.”

---

NB: Niba ali ibimenyetso mushaka, ndagirango mbamenyesheko hali abantu bafite ibimenyetso ku mibiriyo bidasibangana.

Kuko ngo igisebe cyirakira aliko inkovu ntabwo ikira, ntabwo isibangana.

Uzajya ashaka gupfobya itsembabwoko mujye muduhamagara.